

華嚴經
帝金剛經

10316

8072

康德二年十二月二十五日出版
康德三年一月十五日發行

金剛經

(全一冊)

著 作 人

王 禮 東
安東市長興街

發 行 人

周 長 池
安東市四面樓街

印 刷 人

閻 本 貴
安東市四面樓街

印 刷 所

宏 道 善 書 局
安東市四面樓街

總 發 行 所

宏 道 善 書 局
安東市四面樓街

電 話 四 一 八 號

孚佑帝君金剛經直解序

大道無非至善也金剛經心經爲佛教傳心之旨亦如大學中庸爲儒教傳心之旨也佛之與儒皆貴身體力行並無二道世之闢佛者以爲佛法病在空虛寂滅佞佛者反以爲佛法妙在空虛寂滅要知箇中人正是門外漢於此經中未得真諦試觀經中第八分特提出箇性字曰福德性第十分又提出箇心字曰清淨心第十七分詳言降伏其心第十八分細辨人心道心第二十六分明示傳心之要第三十二分又爲發菩提心者指一波羅密之法門性也心也即如來也偈曰是人行邪道不能見如來福德者天命之謂清淨者喜怒未發惟望世人能將此心養得虛靈不昧止於

至善而不遷是以如是我聞應作如是觀爲全經之起訖無我人衆生壽者爲全經之綱領實無有法爲全經之關鍵要之三千大千世界中之大道統歸一心一部經中心字凡三十九見而心經中只一見曰心無罣礙無罣礙卽清淨心亦卽喜怒未發之心也故

孚佑帝君謂讀金剛經而不讀心經是涉博而不知反約也烏乎

可

桂祥

自癸卯被議削職養病一年有奇喜看內典於此二經尤

爲虔信然朝夕誦讀不得一解因遍覓註本奈言人人殊且多用棒喝堂叅之語或節外生枝或依文順義無註解而其旨晦註解多而其旨尤晦也其最善者曰石註本家曉楓端尹已刊刻傳世

矣茲又得

孚佑帝君降鸞闕中黃總戎家所註金剛經心經直解本實具正法眼藏於此經旨支分節解脈絡貫通詳畧相因巨細畢舉必使道心常爲一身之主而人心每聽命焉嘗讀邵子書有曰性者道之形體也性傷則道亦從之矣心者性之郛郭也心傷則性亦從之矣道不外心心即是道其言之不異若合符節因擬讐校重梓分給諸蘭若以廣其傳適紀鳳洲蔣芝台兩同年發善信心樂襄其事鳳洲又出金剛經感應一卷附刊於後望後之見此經註者尋文究義信受奉行則金剛經心經有此直解亦同大學中庸之有章句也於世道人心未心無小補云爾謹跋數語以誌敬信

金剛經
道光乙巳大士涅槃日

三寶弟子覺度桂祥薰沐謹跋

敘

從古聖人之書。皆所以垂教也。而統智愚聖凡。胎卵濕化而胥度之者。莫如金剛經。是經也。以無念爲宗。以離相爲旨。以斷除貪妄爲功夫。以清淨涅槃爲究竟。誠昏衢之巨燭。苦海之慈航也。自西域傳入中原。上自王侯紳士。下迄牧豎樵夫。靡不家置一編。頂禮而供奉之。較四書六經。倍加尊重。然雖明衣潔裳。淨體端容。敲碎木魚。而口之所誦。非心之所知。目之所睹。非意之所會。如入暗室。不見一物。如遊蠻邦。莫辨何言。亦安能起大堅固。生大智慧。而臻無上菩提之岸哉。門下士黃子正元。憫世人但誦經文。不曉經義。請直解於予。予瞿然曰。此經爲我佛之傳燈。微妙秘密。予何人

斯敢以管蠡之見。妄測高深哉。黃子請甚力。不獲辭。因節取昔賢之論而增損之。謬參已見而串合之。前載註語。既字詮而句釋。後列講旨。復縷析而條分。或過遞下卷。不凌不躐。或迴顧上意。不漏不遺。務使口吻順適。脉絡貫通。俾誦者對其文。曉其義。如親歷祇樹園中。見佛與空生。娓娓問答。向之在暗室者。處處開明。向之遊蠻邦者。言言盡解。亦一大快事也。蓋佛書談空。儒書言實。解佛之書。以解儒書者。解之。則理順詞通。後學之人。一見了然。易於遵循。若於經中之章節問答。起伏聯貫處。概置不講。而多引棒喝堂參之語。以作訓詁。如鏡中花。探之不得。如水中月。捉之不能。揆之我佛傳經之心。斷不如是。茲刻壽世。必有尋文究義。而得阿耨

多羅三藐三菩提者。黃子之功。將與佛土並永。豈特勝於三千大千世界七寶以用布施者哉。 峇

龍飛乾隆元年律次夾鐘之月純陽子沐手敬序

呂祖師註金剛經序

我佛如來口傳是經欲度盡天下善男子善女人同登極樂奈世無善根者口與心違不得妙諦

孚佑帝君詳加講註使人一望能生信心消除惡道善哉善哉桂子竹孫乃過來佛子善根自在欲廣流傳重刊以濟世其功德勝於七寶等身布施惟望現在未來諸善士信受奉行四大皆空萬緣俱寂常懸明鏡不息寶燈不可流入下乘壞我法門
道光乙巳三月七日南海老衲沐手敬序

金剛經者。乃我佛傳心之要錄。前憐世人隨口讀去。不邛自心。終身不得其解。我一一詳註。畱示世人。引登彼岸。奈流傳不多。不能盡見。仍入野狐下乘。今有純陽子。能發宏願。將此經註。重爲發刻。以廣其傳。遇韓湘子。聞發信心。樂襄善舉。極爲稱快。竹孫本佛門高弟。誤入塵劫。不忘本來面目。望人悉發阿耨多羅三藐三菩提心。能從方寸作起。如如不動。歸諸善根。以心守心。以心印心。佛即在心。心不外佛。則我

佛如來與我註解之苦心。並佳子施傳之善心。純子樂施之信心。並可見也。望見此經者。先求諸心。偈曰。菩提有樹種諸心。世上無知錯到今。一語打開無上乘。如如不動自觀音。

龍飛道光乙巳上巳日純陽子又序

保寧勇禪師示看經知警文

夫看經之法。後學須知當淨三業。若三業無虧。則百福俱集。三業者。身口意也。一端身正坐如對聖容。則身業淨也。二口無雜言。斷諸嬉笑。則口業淨也。三意不散亂屏息萬緣。則意業淨也。內心既寂。外境俱蠲。方契悟於真源。庶研窮於法理。可謂水澄珠瑩。雲散月明。義海湧於胸襟。智嶽凝於耳目。轍莫容易。實非小緣。心法雙忘。自他俱利。若能如是。眞報佛恩。

啓經讚

爐香乍爇。法界蒙勳。諸佛海會。悉遙聞。隨處結祥雲。誠意方殷。諸佛現金身。

南無香雲蓋菩薩摩訶薩

三稱三叩

南無祇園會上佛菩薩

三稱三叩

金剛經啓請

若有人受持金剛經者先須至心念淨口業眞言然後啓請入
金剛四菩薩名號所在之處常當擁護

淨口業眞言

修利修利 摩訶修利 修修利 薩婆訶

淨三業眞言

唵

娑

梭音

嚩

娃音

婆

嚩

朶

述音

馱

娑

嚩

達

摩

娑

嚩

婆

嚩

朶

度

陀音

憾

酣音

安土地眞言

南無三滿多

母馱喃

唵

度嚩度嚩

地

寨音

尾娑婆訶

普供養眞言

唵

誚

耶音

誚曩

曩聲

上

三婆嚩

鞞

娃音

日

子音

囉

喇音

斛

畔音

奉請八金剛

奉請青除災金剛

奉請辟毒金剛

奉請黃隨求金剛

奉請白淨水金剛

奉請赤聲火金剛

奉請定持災金剛

奉請紫賢金剛

奉請大神 金剛

奉請四菩薩

奉請金剛眷菩薩

奉請金剛索菩薩

奉請金剛愛菩薩

奉請金剛語菩薩

發願文

稽首三界尊 皈依十方佛

我今發弘願 持此金剛經

上報四重恩 下濟三塗苦